

# Juan Jose Sarasolak jarriyak 1924



## BERTSO BERRIYAK JUAN JOSE SARASOLA'K BIGARREN ALDIZ JARRIYAK

---

1/ Bertsuak paratzia  
gogora zait neri,  
Amezketako artzai  
euskaldunari,  
Fernando Bengoetxea  
Altuna zanari,  
arren jakinduriyan  
sartu al baneri:  
toriatzen ari  
litzaizkan berari,  
ainbeste memori  
duena zan ori;  
geiena jaten ziyon  
dezakenari.

2/ Irakurriya daukat  
gauz ori Argiya'n,  
kondaira zarretako  
letra garbiyan;  
beatzi seme eta alaba  
zeuzkan familiyan,  
bera allegatzen zan  
maiz samar periyon,  
Tolosa'ko erriyan  
eta Alegriya'n;  
izketan neurriyan,  
ez modu urriyan,  
askotan lagun arte  
maitagarriyan.

3/ Fernando bajatzen zan  
izandunetara,  
pobriaren aldeko  
personetara;  
artzaia zan partetik  
bere lanetara,  
gizon estimatua  
leku danetara,  
euskaldunetara,  
ezagunetara,  
prinzipaletara,  
tertuliya para;  
batek galdetu ziyon  
modu ontara:

4/ "Fernando, illargiyak  
zenbat du pisua?"  
Erantzun ziyon: "Jauna  
libra osua;  
gurutzian lau laurden  
orra abisua,  
lau partetan konpleto  
argi erosua,  
arpegi gozua,  
amoriyosua,  
espiritusua,  
ta milagrosua;  
nork dauka arren karga  
ezin jasua?"

5/ Zenbait estudiante  
zitzaizkion joaten  
iñork arrazoirikan  
ez zion jaten;  
oso zalla zan ari  
baza eramaten,  
juezak gorrotua  
argatik zeukaten;  
ordañak entzuten  
sufritzen etzuten,  
gaizki erantzuten  
ikusi nai zuten;  
etxera enbargua  
bota ziyoten.

6/ Aren gañian zala  
dirua atera,  
juezak juan zitzaizkan  
eskatutzera,  
bat beintzat Pernandoren  
itzari eltzera;  
ark eskallerak jarri  
tellatu-ertzera;  
"Beira gure etxera,  
mixeriyen gera,  
zu ondo jartzera  
etorri al zera?  
Igo zaitez ta artu  
fiyo bazera".

7/ Orduan Amezketa'n  
bikariyo jaunak  
erriyarentzat etzan  
txarra izana;  
jende bearrantzat  
errukitzen zana,  
iñori barkatutzen  
zekiyen gizona;  
nola zan persona  
prestua ta ona,  
bear dan gauzana  
bazeukan sona;  
Pernandok egin zuen  
arren esana.

8/ Andria bialtzen du  
meza nagusira  
sermoi bat sinistatzen  
laister asi da;  
kulpitutik entzuna  
aien iritzira:  
karidade batekin  
bi datozen grazira;  
goazen noblezira,  
zerbait merezi da,  
jeniyo bizira,  
nai zuten sikira <sup>(1)</sup>  
nunbaitetik saiatu  
irabazira.

9/ Bei bat bakarria zuen'  
Pernandok beria,  
bikariyuak beti  
talde obia;  
oietara bialdu  
dezagun guria, <sup>(2)</sup>  
kanpokuak ondoren  
etortzen badia,  
ekullu libria  
betetzeko iria;  
jauna orren paria <sup>(3)</sup>  
jarri du gordia;  
gaur askoren antzeko  
auzo-legia.

10/ Izendatua dago  
Pernandoren plaza,  
aren jakinduriya  
etzan eskasa;  
il zala nola ziran  
eun urte pasa,  
irakurtzen duenak  
emango du traza;  
orduko jolasa,  
batzuentzat pasa,  
orrenbeste kausa  
sufritzeko lasa;  
oraingo gizon asko  
ez gera gauza.

---

(1) Bertso-paperean: *sikiera*.

(2) Bertso-paperean: *guzia*.

(3) Bertso-paperean: *pazia*.

11/ Bein etxetik irten zan  
ferirako idian,  
bi señoirita gazte  
topo birian;  
jator itz egin ziyen <sup>(4)</sup>  
bere agurian:  
zeñen alabak ero  
zeintzu ote dian;  
bere aldamenian  
jarri diranian,  
izketa onian,  
urrengo galdian:  
iya etxian ondo  
bizi al dian.

12/ Batek aita markesa,  
kondia bestiak,  
bi señoirita polit  
onen gaztiak.  
"Irurok ein ditzaun  
gaurko ajustiak,  
pena emango lirake'  
zueri uztiak;  
izketan astiak  
ero jolastiak,  
zarraren txistiak  
ez dira tristiak;  
meritu aundiya du  
erakustiak.

13/ Nik zuen gurasuak  
amigo aundiyak,  
beti goguan dauzkat  
aien ongiyak:  
nerekin konformatzen  
bazerate biyak,  
irurontzat pagatzen  
ditut bazkariyak".  
Orduko istoriyak  
zer txorakeriyak,  
festa eta feriyak,  
ezerezkeriyak,  
baliatu arteko  
enbusteriya.

14/ Esan bezela sartu  
ziran Tolosa'ra  
ostatu onenera  
bazkaritara.  
"Neonek gonbiatzen  
zaituzte ortara".  
Zaku ta makillakin  
sartu zan ara,  
jan eta eran para,  
bete du ijara;  
Fernandoren kara:  
gero balkoiara,  
esanaz: "Deitzen naute  
gizonetara".

15/ Bere gisa izketan  
jendiarengana;  
"Mandatu bat badaukat  
aztu zaidana".  
Zaku bat bizkarrian  
utsik eramana,  
atiaren atzian  
prendatzat emana;  
erana ta jana,  
orduko afana,  
gero kafe bana  
artu eta juana;  
señoiritan kontura  
bazkari dana.

16/ Ostatuko gizonak  
ziyoten esango:  
artzaia pagatzera  
etzala juango;  
borondatez etzuten  
berriz eramango,  
len artua damutan  
ziraden egongo;  
boltsatikan sendo  
gaztiak izango,  
zarrak abiando  
'jan eta eran ondo;  
ezpaña iortzita  
libre Fernando.

**ITURRIA:**  
**LEXO BERTSOLARIA**  
**ANTONIO ZABALA**  
**AUSPOA LIBURUTEGIA**

---

(4) Bertso-paperean: ziyon